

اوسات علمي و سياسي

هفته لقی سیاسی ، ادبی ، علمی غزته در

جلد : ۳

سنه : ۲ ۴ جمادی الاول ۱۳۳۶ جمعه ايرتسی ۱۶ شباط ۱۹۱۸ نومرو ۲۴ — ۵۵

ایران و سیاست و اسامی و اسامی

— مابعد —

عباسیلر بغدادده نصل عجملیورلرسه ، عثمانیلرده استانبولده اولیه روملاشیورلر .
بوراده کی ذوات کرامک قسم اعظمی (زوملاشقی) کله سنک معناسنی ؛ کندیلرینی بیلدکری کوندن
بری بیلرلر . وسوزمی پک طبیعی وحق بولورلر . مقصدی بیگانه لره افهام ایچون برقاچ کله ایله ایضاح
سرام ایدیم :

(روم ترکی) هم جغرافیائی هم اتنوگرافیک برتعبیردر : بخارا ترکی ، سمرقند ترکی ، آذربایجان
ترکی کبی . بیزانس ایمپراطورلغک حوزة حکومتنده برزمان بولمیش اولان یرلر و بویورلرک سکنه نی
دیگک . بوراده تمام ایران مقابلی در : سلجوقیان ایران ؛ سلجوقیان روم کبی .
(روم ایلی) ده بویله در . چونکه ترکلرک ایجاد ایتمش اولدیغی بوتعبیر ایله محدود و معین یرلرده
روم عنصری اقلیتی تشکیل ایدر . موره شبه جزیره سی هان سراپا روملرله مسکون ایکن (روم ایلی)
نامنی آلامشدی .

(رومی) صفتی هر صنف و مسلکدن بالعموم بیوکرمز ، کال افتخار و ممنویته قبول ایتشردر .
جلال الدین رومی ، اشرف رومی کبی اعظم اولیاء الله بویکله ایله تلقب و اشهار ایتدیلر . ابن کاله
(علامة روم) ، (محقق روم) دینیر .

(رک) عرقک اک بیوک پادشاهی ، شبه یوقدرکه ، سلطان سلیمان قانونیدر . هم بو پادشاه ،

صاحب خروج طرزنده دکل ، صورت طبیعیده و عصر لرك اعانه اكلاتيه صاحبتران زمان اولمشدی . اردولرینك بری ویانهنی محاصره ایدرکن ، دیکری تبریزه استیلا ایدر ، دونمسی یالکز آق دگری ویانتون ساحلرینه مالک و متصرف بولندیغی قره دگری دکل ، انجار محیطهنی ترمه دیر ، حضور یادنده هند و چین صفتیه سلام واحترام اولور ، آلمانیا ایمپراطورینه اسیر اولان فرانسه قرالی دربار شوکتقرار سلطانییه التجا و آلمانیا ایمپراطوری سطوت پادشاهیدن خائف ولرزان ترك تحت وتاج ایله ایشته بویله برامیر جهانگیر . بوقدر بیوک برترك پادشاهی اولان امام المسلمینك لطف توقیر وانعامنه مظهریت سایه سنده احراز کمال و مراتب علمیه نك اك یو کسکی بولنان قاضی عسکر لکه قدر ارتقا ایله تطمین آمال ایتمش اولان برشاعر - که ضیا پاشا نك توصیف محققجه (مجدد نخستین) در -

مداح اوله لی چشم غزالانکه باقی

اوگرندی غزل طرزخی رومك شعراسی

دیپه رك هم مسلکارینك نوع و صفتنی تسجیل ایدینور .

عمانلی پادشاهلرینك مناقب غزاسنی عصر لره ترم ایتدیرمش اولان قوجه نفی (حسن قلعه) لی اولوق اعتباریه عراق آذربایجان ترکلرینه داها یاقین ایدی . فقط مجلوب مباحات اولان بوشاعر آتشین روم ترکلرینی اك زیاده متکامل و بناء علیه داها اصیل بولدیغی ایچون عرفی شیرازینك بر منظومه سنه اولان نظیره سنده :

حسان مسیحادم روم که کر قم

در معجزه کوبی ره سبحان عجم را

دیور . و (حسان روم) اولقله اقتضار ایدیور که خسزده دکل در .

ملیتك معناسنی زده حقوق و مفاخریه اك اول ادراك ایدر ك وطنداشترینه تلقین ایتمش اولان اعظم ادبامزدن ضیا پاشا ، روحی بغدادینك کندی زمانه قدر موقعتله نظیر ایدیلدیمامش اولان ترکیب بندینه ، اصله فائق صورتده بر نظیره یازدقدن صوکره اثرینه شویتلره نهایت ویر :

اوغر ارسه صبا راهك اکر سمت عراقه

بغداد اینته طوغری دخی عزم خرام ایت

مردان سخندانی زیارت ایدوب آندن

آداب ایله کیت روضه روحی به سلام ایت

تحسینی عرض ایلوب اولجه ضیانك

بو بیتی حضورنده اوقو ختم کلام ایت :

میدان سخنده بوغیکن سن کبی بر آر

برشاعر روم اولدی سکا شمیدی برابر

بیلر سکنز که بز معزز نجم وهلامزی ده، بلده طیبه قسطنطنیه کی، روملردن آلدق. وه نیره لوس
 جناب لری شاید بزه بر حرب اعلان ایدرسه، کندیلرندن زور بازوی جلاد تله آلهرق مسلمان دیننه،
 عثمانلی تابعیتنه، ترک عرقنه ادخال ایتدیکمن بو مقدس رایت ملی یی پینه کندیلرینه قارشی سرنگون
 اولقدن وقایه یولنده حیاتلرینی کوله کوله فدا ایده جک بیکارجه مسلمان، عثمانل، ترک اولادی
 کوزه جکدر.

[مابعدی وار]

سلیمان نظیف

مکتوبات

[سلیمان پاشا زاده مرحوم سامی بک خصوصیت احوالی ختمده بعض مطالعاتی محتوی فاضل محترم
 حیدری زاده ابراهیم افندی طرفندن یازلمش اولان مکتوبک خاتمه سنی تشکیل ایدن بر منظومه ادبیه در]

سامی همیشه رحمت رحمانه مظهر اول
 بول عالم بقاده ده فوز وسعادتی
 کوسدک مکر جهانه نی کورمه دن کیندوب
 ای یار جان حشره بورا قدم بو حسرتی
 یوکسل حضور حقه کمال خضوع ایله
 رفع ایت اوبارگاهه ندای شکایتی
 عرض ایتدی که اوسودیکک اولاد بوالبشر
 چکمکده هر دقیقه ده بار فلاکتی
 تکریمه مظهر ایلدیکک نسل محترم
 بردرده دوشدیلر که کورنمز نهایی
 بو کیرودار مدهش دور زمانه دن
 تمکده یر یوزنده کی عرق نیجابتی
 تادیب ایسه مراد الهی یتز یتیش
 افتادکان امته آج باب رحمتی